



Jens B. Frederiksen
Inatsisartuni ilaasortaq, Demokraatit
/- maani

§ 37 napertorlugu apeqqummut 2013-164 Attartortumiit piginnittumut akissuteqaat

23. september 2013
Sagsnr. 2013-088756
Dok. Nr. 1343812

Asasara Jens

Aallarniutigalugu attartortumiit piginnittumut aaqqissuussineq pillugu apeqqutitit ilassutaasut pillugit qutsavigaakkit.

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

1. 2014-mut Aningaasanut Inatsimmut atatillugu Naalakkersuisut illuni 420-ni attartortunut aappaagumiit illunik tuniniaaniarluni aalajangerneranut aningaaseriviit sunik naammagittaalliuuteqarsimappat?

AKISSUT: Septembarip ulluisa tallimaanni ataatsimiinnermi aningaasalersuisartut nalunaaruteqarput, piffissap siviktsuararsuup iluani inissiat attartortittakkat 420-t inissiatut nammineerluni pigisassatut tunineqassappata aningaasalersuisartut annilaanganartoqartikkaat. Nuummi inissianik niueruteqarnermi nikitsitserujussuarnissamik pinngitsoortsiniarluni mianersornissaq aningaasalersuisartunit pisariaqartinneqarpoq, aammal uqarrermi piumasaqaatinut sinaakkutissanik ersarissunik naapertuuttunillu pilersitsisoqarnissaa pisariaqartinneqarluni. Ataatsimiinnermi allaffissornikkut suleqatigiissitamik, aningaasalersuisartunit aamma Namminersorlutik Oqartussanit peqataaffigineqartumik pilersitsinissaq isumaqatigiissutigineqarpoq, taassumalu:

- 1) tuniniaanissami naatsorsuutigineqartumi pissusiviusut paasiniaaffigissavai,
- 2) inissianik niueruteqarnermut sunniutissat naliliiffigissavai, pisariaqarpallu
- 3) periaasissamik allamik, sunniutaanerlussinnaasunik annikillitsisussamik siunnersuuteqassapput.

Suliaqarnerup pisussangortup AIS2014-ip aappassaanneerneqarnissaanut allannguutissatut siunnersuuteqartoqarneranik kinguneqarnissaa Naalakkersuisut naatsorsuutigaat.

Tamatumunnga atatillugu oqaatigineqassaaq, AIS2014-imi inissiat tunineqartussat 150-it inorlugit amerlassuseqartussangorlugit, taamaalillutillu 90 mio. koruuninik iluanaaruteqarniarlutik Naalakkersuisut missingersuusiorsimasut.

2. Aningaaseriviit illuliornermullu atukkiisarfiit isumaat naapertorlugu qanormita illunik pioreersunik tuniniaanermut kinguneqassava, illut pineqartut tamarmik tunineqassagaluarpata?

AKISSUT: Apeqquut 1-imut akissut takuu.

**3. Naalakkersuisut aningaaserivinniit illuliornermullu atukkiisarfinit
mianersoqqussutinik sunimmita tigusaqarpat, Naalakkersuisut
aalajangiusimassappassuk illut pioreersut tuniniakkat ataatsikkut illunik 420-nik
ilaneqariataarnissaat?**

AKISSUT: Taaneqartutut inissiat 420-t ataatsikkut tunineqarnissaannik Naalakkersuisut pilersaaruteqanngillat.

Aammattaaq apeqquut 1-imut akissut takuu.

**4. Naalakkersuisut inuinnaat illuinik pioreersunik taama amerlatigisunik
ataatsikkut tuniniagassanngortitsiniarnerat pillugu aningaaseriviit/illuliornermut
atukkiisartut mianersoqqussutaannut Naalakkersuisut
tusaanngitsusaarsimappata tamannamita siunissami Illut A/S-p illulioriternernut
taarsigassarsiniartarnissaanut qanoq kinguneqassava?**

AKISSUT: Inussiarnersumik apeqquut 1-imut akissut takoqquneqarpoq.

**5. Naalakkersuisut aamma aningaaseriviit/illuliornermi atukkiisarfiiit naliliinerat
naapertorlugu innuttaasut ataasiakkaat aamma suliffiit namminersortut
siunissami illuliornissaminnut imaluunniit suliffiliornissaminnut atatillugu
taarsigassarsiniarnissaanut qanormita kinguneqassava, illut ataatsikkut
amerlasuut tuniniagassanngortinnissaanut aningaaseriviit mianersoqqussutaat
Naalakkersuisut tusaanngitsusaaginnassappatigit?**

AKISSUT: Apeqquut 1-imut akissummi oqaatigineqartutut aningaasalersuisartunik oqaloqateqarneq pitsaasoq aallartinneqarsimavoq, aammalu inessianik niueruteqarnermi imaluunniit Kalaallit Nunaat tamakkerlugu aningaasalersuisinnaanermut periarfissanut tunngatillugu pisariaqanngitsumik nalorninartorsiulernissaq Naalakkersuisut, aningaasalersuisartut inuiaqatigiilluunniit soqtigisarinngilaat.

Aammattaaq apeqquut 1-imut akissut takuu.

**6. Naalakkersuisut ulloq 5. september GrønlandsBANKENimik, Bank Nordikimik
Nykreditimillu ataatsimeeqateqarnissaat sioqqullugu aningaaseriviit sinnisaannik
pisortaqarfinni sulisut ataatsimeeqateqartarsimanerlutik? Akissummi
angertoqassappat paaserusuppara ataatsimiinnerni taakkunani illut 420-t
amerlanersaat ataatsikkut tuniniarneqarnissaanut
mianersoqqusisoqartarsimanersoq imaluunniit arlaannik assingusunik
oqartoqartarsimanersoq.**

AKISSUT: Maannakkut naalakkersuisusuut pilersinneqarnerisa kingorna inissiat 420-t tunineqarnissaat pillugu naalakkersuisoqarfinni atorfillit aamma aningaasalersuisartut aallartitaasa akornanni ataatsimeeqatigiittoqarsimangilaq. Kiisalu

erseqqissaatigineqassaaq, Naalakkersuisut AIS2014-imi "inissiat 420-t amerlanersaasa" ataatsikkut tunineqarnissaannut siunnersuuteqarsimangimmata.

Aammattaaq apeqqut 1-imut akissut takuuk.

7. Kalaallit Nunaanni Sulisitsisut Peqatigiiffiata pisortatigoortumik illorpassuarnik tuniniaanissaq mianersoqqussutiginikuuaa. Taamaakkaluartorli Naalakkersuisut uannut akissumminni allapput Kalaallit Nunaanni Sulisitsisut peqatigiiffiat oqaloqatigineqarsimangitsoq pineqartoq pillugu. Naalakkersuisut sulissutiginiarnerlugu illunik tuniniaanissarsuaq pillugu Kalaallit Nunaanni Sulisitsisut Peqatigiiffiannik ataatsimeeqateqarnissartik?

AKISSUT: Naamik. Aallaqqaammut suleqatigiissitamik, Namminersorlutik Oqartussanit aningaasalersuisartunillu suleqataaffigineqartumik pilersitsisoqarpoq. Suleqatigiissitaq soqutigisaqartunik attuumassutilinnik allanik, taakkununngalu Kalaallit Nunaanni Sulisitsisut Peqatigiiffiannik, illunik pilersuisunik il.il. peqataatitsissanngitsoq maannangaaq oqaatigineqarsinnaanngilaq.

8. GrønlandsBANKEN, Bank Nordic aamma Nykredit suleqatigalugit Naalakkersuisut suligasuartussatut suleqatigiisitaliaata innersuussutissani qaqugumita naammassigunarpai aamma Naalakkersuisut pilersaarpat taaku innersuussutit tamanut saqqummiukkumaarlugit?

AKISSUT: 2014-imut aningaasanut inatsisissatut siunnersuutip aappassaanneerneqannginnerani najoqqutassiamik suleqatigiissitap suligasuartussap saqqummiussinssaa naatsorsuutigaara. Suleqatigiissitap inassuteqaatai allanguutissatut siunnersuuteqarnermik kinguneqassappata, tamatumunnga atatillugu tamanut ammasumik saqqummiussisoqarnissaa naatsorsuutigineqarpoq.

9. Inissiat naatsorsuutigineqartut Naalakkersuisunit tunineqanngippata tamanna 2014-imut aningaasanut inatsisip inerneranut qanoq sunniuteqassava?

AKISSUT: 2014-imi inissiat 150-init ikinnerusut tunineqarnerini 90 mio. koruuninik iluanaaruteqarnissaq AIS2014-imi missingersuusiarineqarpoq. Inissiat ikinnerit tunineqassappata, tamatuma kingunerisaanik DA-p inernerera taakku amerlaqataannik annikinnerussaaq.

DA-p inernerata ukiut sisamat ingerlanerini oqimaaqtigiiernissaa Naalakkersuisut aningaasaqarnermut politikkiminni anguniagaasa pingarnerit ilagaat. AIS204-ip suliarineqartarnissaani inernerusussat, tassungalu ilanngullugu aamma inissianik tunisinissaq pillugu allanguutissanik siunnersuuteqartoqassappat, 2014-imiit 2017-imut DA-p inernerata sunniutissai siumut missiliussallugit siusippallaarpoq.

Inussiarnersumik inuullaqqusillunga

Mette Lynge